

Antorem jnt 218
domicius t a me
Typhicorum Gery

THEOLOGI CV-

I V S D A M

EPISTOLA,

AD QVENDAM MAG-
natem, scire cupientem, quomodo
posset distribuere bona sua tempo-
ralia, ad pios vsus, cum vtilitate
quàm maxima animæ suæ: Et, cui
Ordini regulari, vnum è nepotibus
suis, vitæ religiosæ desiderio
captum, deberet addi-

cere.



Permissu Superiorum.

Anno partus Virginis

CIO. 106. XXIV.

Theologus
duplex
alius gloriosus.
alius crucis.
Schola
crucis.
Schola
crucis.

Hunc libellum mihi do-
nauit R.D. Typhicorum
Geryus Canonici (hæc)
mensis cum eodem in aula
Illustrissimi Episcopi Conu-
uentus Martini Typhicorum
ac in eodem cubiculo vna
cum eodem R.D. Typhicorum
et Admodum Reuerendo Do-
mino Christophoro Nussagen
ille manerem. a seque
hæc autem ille multa suis
libelli exemplaria accepit
rat quod antea distribuere.

3.
ILLVSTRISIME
DOMINE,

Eris à me, tibi vt sincerè explicem, quam in rem possis conuertere, temporalia bona tua, cum maxima vtilitate animæ tuæ, & quali ordini, debeas nepotem tuum offerre, ad statum religiosum aspirantem, tuoque iudicio, quoad certi Ordinis electum, stare volentem. Quoniam verò conscientiam meam obstringis, vt sine vlllo affectu, & humano respectu, candidè tibi significem, quid te in vtroque negotio facere oporteat, libenter hunc laborem suscepi: vt & ego ipse, eorum bonorum particeps fiam, quorum tu eris, si mea consilia admiseris. Vt autem mihi faciliùs fidem adhibeas, & vt ego loquar liberiùs, nullam rem in particulari tibi suadebo, sed generalia tantùm tradam monita, desumpta ex certa SS. Patrum & Theologorum doctrina: quæ si diligenter perpenderis, & inuocato S. Spiritus auxilio ac lumine, præcipua opera pia, & Regularium Ordinum viuendi normam examinaueris, faciliè diuino beneficio agnosces, quod à me cupis discere.

IN PRIMIS autem pondera verba illa Isaïæ Prophetæ cap. 43. v. 7. *Omniem, qui inuocat nomen meum, in gloriam meam creauit eum, formauit eum, & feci eum.* Ex quo sequitur, te debere

A 2 bona

4
bona tua, in illa pia opera distribuere, nepotem-
que tuum talibus Religiosis adscribere, ex quibus
redundet quam maxima gloria Dei, & consequē-
ter, quam maxima vtilitas animæ tuæ, & nepotis :
in hac quidem vita per magna apud Deum meri-
ta, in altera verò, per altissimos gloriæ gradus. Si
enim homines excelso & nobili animo præditi,
in aulis Principum, & in Republica, ardentem ex-
optant, & viis omnibus quærunt, gradus & offi-
cia altissima, & regio throno proxima, & simul di-
uitias ac facultates hominumque fauores quam
maximos; multò æquius est, quemuis Christia-
num hominem, creatum ad possessionem Regni
cælestis, & optare, & quærere, per res suas. hinc
quam maximam Dei gratiam, & gloriam in Regno
cælesti amplissimam. Sicut enim stultus esset is,
qui cum posset centum millibus florenorum,
emere regnum opulentissimum, is tantum eme-
ret vnum exiguum pagum, vel oppidum, cum
paucis redditibus, & commodis; ita multò magis
stultus est is, qui cum posset summam aliquam pecu-
nariam, vel bonis stabilibus, in pios vsus erogatis,
aut cognato suo Dei obsequiis applicato, concili-
are sibi apud Deum maximos gratiæ & gloriæ æ-
ternæ gradus, contentus esset earundem rerum
applicatione, exiguos valde, & meritorum, & glo-
riæ cælestis, gradus, attingere. Nam si inter bona
temporalia omnes prudentes præferunt maiora
minoribus; an non stultum est, inter spiritualia,
& æterna, & nunquam finem habitura bona, quæ
preparauit Deus diligentibus se, satiari bonis exi-
guis, & ampliora vberioraque sese vltro offeren-
tia,

5
tia, negligere? Hoc tanquam fundamento iacto,
cum certum sit ex sacris literis, & SS. Patribus, cum
sibi accumulare maiores gradus gratiæ, & gloriæ
in cælo, qui in hac vita causa est maioris gloriæ
Diuinæ; idem si vis Illustrissime Domine, quam
optimè consulere animæ tuæ, & tui nepotis; ita
siue mobilia, siue immobilia, siue vtraque bona
tua dispensa, & nepotem tuum dirige, vt ex hac
dispensatione tua, & ingressu in Religionem ne-
potis tui, quam maxima in Deum gloria deriue-
tur. Vt autem cognoscas sine errore, quibus in re-
bus sita sit, ista Dei quam maxima gloria, quam
propagare per tuas facultates, & nepotem tuum,
vis & debes, hæc diligenter considera.

PRIMO. Hoc esse Dei gloriæ veluti funda-
mentum, ne diuina Maiestas peccatis hominum
offendatur, quia vt inquit S. Ambrosius in Psal-
mum primum. *Initium bonorum, abstinentia pec-
catorum est: quoniam legimus* (Psalmo 36.) *Declina
a malo, & fac bonum.* Vnde sequitur, illum ma-
gis glorificare Deum, sibiq; magnos meritorum,
& gloriæ gradus conciliare, qui ad ea opera, &
personas, res suas deriuat, à quibus maiora, &
plura præterita extirpantur & purgantur peccata,
ac futura impediuntur.

SECUNDO. Considerandum tibi est, Illuc
Domine, alteram veluti partem diuinæ gloriæ es-
se, *facere bonum*, vt ait Regius Propheta, seu, vi-
uere bene. Vnde sequitur, te tunc valde glorifi-
caturum Deum, & tuæ animæ consulturum, si
tua bona, & nepotem tuum direxeris ad tales
personas, & talia pia opera, ex quibus in Ecclesia

Dei oritur maior frequentia, & excellentia, tum
piorum operum, tum hominum meliorum. Ad
quod conducit multitudo & mediorum, & mo-
dorum, ac efficacia eorum, ad talem pietatem
personarum & operum, in Ecclesia Dei excitandam,
propagandam, & dilatandam. Sicut enim il-
le maximè Deum offendit, qui causa est, ut plu-
res personæ peccent, & plura ac maiora peccata
contra fidem Catholicam, & contra bonos mo-
res fiant, & ut plura, ac efficaciora media, & mo-
di adhibeantur, ad hos malos effectus in mundo
propagandos: ita è contrario, ille maximè glori-
ficat Deum, & animam suam spiritualiter ditat,
qui causa est contrariorum effectuum bonorum,
siue per dispensationem suarum temporalium
facultatum, siue alio modo.

TERTIO. Considera Illme Domine, inter o-
pera pia, & personas Religiosas, à quibus glorifi-
catur Deus, per illas glorificari magis, in quibus
magis resplendet Dei dilectio, & proximi pro-
pter Deū. Quia ut docet S. Thomas 2. 2. q. 184.
a. 1. *Omnis perfectio Christiana vite, specialiter
secundum charitatem attendenda est.* Nam ut ait
Apostolus: *Charitas est maior fide & spe.* 1. ad
Cor. 13. versu ultimo, imò omnibus aliis virtuti-
bus, ut omnes Theologi docent cum S. Thoma
2. 2. q. 23. a. 6. Ideoque ab Apostolo meritò ap-
pellatur charitas *vinculum perfectionis* ad Colos.
3. v. 14. quia scilicet, ut ait S. Thomas loco pri-
mò citato *Omnes alias virtutes quodam modo li-
gat in unitatem perfectam.* & is, qui proximum
diligat, dicitur omnem legem implere. Galat. 3.
vers.

vers. 14. Vnde sequitur, per opera virtutis religi-
onis, ut sunt Psalmodia, non ita glorificari De-
um, & animam ditari, atque ditatur per opera di-
lectionis Dei, & proximi propter Deum: quia
virtute religionis, ex qua deuotionis opera pro-
manant, longè perfectior est virtus charitatis, ut
expressè docet S. Thomas 2. 2. q. 81. a. 5. & loco
paulò ante citato. Hinc secundo sequitur, per o-
pera poenitentiae, ut sunt ieiunia, & his similia,
ceteris paribus, minus glorificari Deum, quàm
per opera dilectionis Dei, & proximi propter
Deum, siquidem ut S. Thomas ait 2. 2. q. 81. a. 6.
Virtus religionis, quæ virtute charitatis minus
perfecta est, præferri debet omnibus alijs virtuti-
bus moralibus, ac proinde etiam virtuti Pæni-
tentiae. Et ita meritò Durandus in 4. dist. 15. q.
6. cum Gabriele in 4. dist. 16. q. 4. a. 3. dub. 3. &
Vasquez in opusc. mor. tract. de eleem. dub. 2.
docent, *Eleemosynam, ceteris paribus, esse ieiunio,
& similibus carnis macerationibus pœnalibus,
magis meritoriam, & Deum melius placare, &
preparare ad reconciliationem, atque amicitiam
initam cum Deo conservare, & augere, ita ut in
dies sit illi Deus propitijs.* Quin etiam S. Tho-
mas in 4. dist. 15. a. 2. q. 2. Medina C. de eleemo-
syna quæst. 2. Paludanus in 4. dist. 15. q. 3. a. 1.
concl. 2. asserunt, Eleemosynam plus esse satis-
factoriam pro peccatis, quàm ieiunium, & ora-
tionem, Immo quod mirabilius est, S. Thomas
2. 2. q. 124. a. 3. ad 3. ait. *Actum ex charitate do-
scendi & gubernandi subditos esse perfectiorem,
quàm actum Martyrii, consideratum secundum*

propriam speciem altius. Vnde sequitur tertio Illustrissime Domine, te ad tales personas, & opera, debere tuas facultates, & nepotem conuertere. quæ magis versentur circa dilectionem Dei & proximi, quàm circa Psalmodias, & corporis macerationes: quia præter supra dicta, bene ait S. Gregor. Papa lib. 6. c. 2. in lib. Regum. Longè altioris est meriti, propriam voluntatem alienæ semper voluntati submittere, quàm magnis ieiunijs corpus atterere, aut per compunctionem se in secretiori sacrificio mactare. Quod etiam S. Thomas ait in opuscul. contra impugnantes Religion. cap. 1. Et ita meritò S. Theresia Virgo diuino Spiritu plenissima, eussu Ordinem suum, magnis voluerit esse asperitatibus deditum, scribit tamen cap. 40. vitæ suæ, se intellexisse à Domino, obedientiam suam, ob quam vetante Confessario abstinere coeperat à carnis maceratione, & penitentijs, magis sibi gratam fuisse, quam asperitatem penitentia, & vitæ cuiusdam sanctæ femine Catharine de Cardona, quam ipsa Theresia imitari volebat. Et Christus Dominus dans monita bene viuendi S. Brigittæ, vti habetur cap. 13. Reuel. extrauag. Ieiunare, inquit, in pane & aqua, sanis est bonum, sed non est summum bonum. Summum bonum Charitas, sine qua non est salus: sine ieiunio verò panis & aquæ, omnis saluari potest, si adsit perfectio fidei, & discretionis, & iusta causa &c. Hinc Illustrissime Domine agnosces, ad quæ pia opera excitanda, vel conseruanda, vel propaganda, debeas tua bona conuertere, si, vt dicitur, bonum tibi velis lectulum

lectulum sternere in aternitate, cuius tibi ratio magis habenda est, quàm omnium respectuum, & rationum humanarum. Nam si parçè seminaueris, parçè & metes, vt monet Apostolus.

QUARTO. Considera & hoc Illustrissime Domine, si inueneris plures hominum piorum Ordines vel Congregationes, quæ tibi viderentur bonæ, & perfectæ, debere te potius ijs bona tua cum nepote tuo offerre, qui sequuntur perfectius viuendi Institutum, & in eo modum viuendi perfectionem. Nam perfectius Institutum, eum modo viuendi perfectiore, Deo perfectionis amatori, est gratius, ac proinde quod pro illo sit, cæteris paribus, est magis Deo gratum, & tuæ animæ vtilius. Sicut enim donum filio Regis datum, gratius est Regi, quàm si decur famulo, quia filius Regi est magis gratus, quàm famulus; ita quod rei, vel personæ Deo magis grata præstatur beneficium, est Deo magis gratum, ac proinde magis meritorium, animæque vtilius, & in hac, & in altera vita. Porro vt agnoscas, quod vitæ Institutum, & quis in eo viuendi modus sit perfectior, has regulas accipe, excerptas potissimum ex recepta ab omnibus, S. Thomæ Doctoris Angelici, doctrina.

PRIMO. Docet S. Thomas 2.2. q. 188. a. 6. illam Religionem alteri præferri, quæ ordinatur ad finem absolute potiore: vel quia est maius bonum; vel quia ad plura bona ordinatur. Si vero sit finis idem, secundario attenditur præeminentia religionis, non secundum quantitatem Exercitij, sed secundum proportionem eius ad finem intenu-

zum. Vnde & in Collationibus Patrum introdu-
citur sententia B. Antony (Collat. 2. cap. 3.)
qui discretionem, per quam aliquis omnia mode-
ratur, præulit & ieiunijs, & vigilijs, & omnibus
huiusmodi obseruantijs. Et infra. Sicut maius est
illuminare, quam lucere solum, ita maius est con-
templari alijs iradere, quam solum contemplari.
Ergo summum gradum in Religionibus tenent, que
ordinantur ad docendum, & prædicandum, que
& propinquissima sunt perfectioni Episcoporum,
sicut & in alijs rebus. fines primorum coniungun-
tur principis secundorum, ut S. Dionysius dicit 7.
cap. de diuin. nomin. Secundum autem gradum
tenent ille Religiones, que ordinantur ad contem-
plationem. Tertium est earum, que occupantur
circa exteriores actiones. In singulis autem ho-
rum graduum potest attendi præminentia, secun-
dum quod una Religio ordinatur ad altiore a-
ctum, in eodem genere: sicut inter opera actiue vite,
potius est redimere captiuos, quam recipere hospi-
tes. Et in operibus vite contemplatiue, potior est
oratio, quam lectio. Potest ergo attendi præmi-
nentia, si una earum ad plura horum ordinetur,
quam alia; vel si conuenientiora statuta habeat, ad
finem propositum consequendum. Hæc omnia S.
Thomas. iuxta quam doctrinam, Illustrissime
Domine, circumspice religiosos Ordines, eumq;
tuis & bonis, & nepote orna, quem præ cæteris
videris proximè accedere ad Episcopalem statum
docendo & prædicando, & alias Ecclesiasticas fun-
ctiones obeundo, pro dilatanda diuina gloria, &
S. Ecclesiæ incremento: & duo adhuc circa hoc
punctum

punctum pondera. Primò. Potiorem & perfe-
ctiorem esse statum in Episcopis, quam in Reli-
giosis, ut docet S. Thomas 2. 2. q. 184. a. 7. Idèò
vocatur status Episcoporum, status perfectorum,
Religiosorum verò status, non vocatur status
perfectorum, sed tendentium ad perfectionem:
quocirca Religio, quæ Episcoporum statui pro-
pinquior est, perfectior est. Secundò. Ponde-
ra, illum Ordinem, qui accedit proximè ad sta-
tum Episcoporum, accedere etiam proximè ad
illum viuendi modum, quem Christus Domi-
nus, & eius Apostoli sectati sunt: qui procul du-
bio fuit omnium perfectissimus, & in quo clare
expressus est finis salutis animarum quam pluri-
marum, ob quem Deus creauit omnia, & factus
est homo; & in carne assumpta tam multa fecit,
& passus est: & ob quem instituit Angelorum
ministeria; & ob quem in S. Ecclesia Christus
tam multa pro salute animarum supernaturalia
media reliquit; ut sunt Sacramenta, Indulgen-
tiæ, Ordines Ecclesiastici, & eorum varix fun-
ctiones, per conciones, Confessiones, lectiones,
&c. & totus Ordo Ecclesiasticæ hierarchiæ.
Ideo quæ ob hanc summam vitæ Christi, & Apo-
stolicæ perfectionem, Apostolus nos excitat
1. Cor. 11. v. 1. *imitatores mei estote, sicut & ego
Christi.* Cum enim Christus sit æterna sapientia
Patris, & fons ac exemplar omnis perfectionis,
& sanctitatis, procul dubio talem pro se viuendi
normam elegit, & Apostolis reliquit, quæ om-
nium esset in hac vita perfectissima. Perfectio
autem vitæ Christi, & Apostolorum agnosci po-
test;

test; tum ex fine omnium operum eius, qui erat gloriam Dei dilatare, abstrahendo homines ab infidelitate. & falsa fide ad rectam fidem, & à vita impia ad piam, & ita salutem eorum procurare; tum ex mediis, quibus usus est cum Apostolis ad salutem humanam procurandam, & fructum meritorum suorum ijs communicandum, scilicet per prædicationes, disputationes cum Pharisæis, per sacramenta, &c. tum ex modo benigno & suavi, quo cum hominibus egit; tum ex ratione viuendi, quam in persona sua tenuit, communem in victu, & vestitu cum honestis hominibus, ut ponderat S. Thomas 3. p. q. 40. a. 2. ubi quærit, *Utrum Christus austeram vitam in hoc mundo ducere debuerit, & Respondet. Conuenientissimum fuisse, ut se Christus in conuersatione hominibus conformaret, secundum illud Apostoli 1. ad Cor. 9. Omnibus omnia factus sum, ut omnes lucrificiam. Ideoque congruum fuisse, ut Christus in cibopotus, communiter se sicut alij haberet; Idque probat verbis Christi Matth. 11. Venit Ioannes non manducans neque bibens, venit filius hominis manducans & bibens, & dicunt: Ecce homo vorax & potator vini: ex quo loco colligunt alij quoque SS. Patres, consulto Christum instituisse vitam minus seueram, ac rigidam, quam Ioannem, ut facilius omnes lucrificeret: quemadmodum ait S. Chrysostomus hom. 38. in Matth. qui hom. 1. in epist. ad Roman. ponderans supremam perfectionem & dignitatem muneris & vocationis Apostolicæ, Apostoli, inquit, munus res est bonis infinitis exundans, gratis*

omni-

omnibus maius, ac dona cuncta amplectens. Quid enim amplius dixerimus, quàm id, quod Christus hoc ipsum Apostolis commiserit, quod nobiscum dum viveret, ipse fecit, ac sic demum à nobis abiisset. Id quod Paulus exclamans, Apostolorumque dignitatem extollens ait: (2. Cor. 5. 20.) Pro Christo legatione fungimur, tanquam Deo exhortante per nos, hoc est, Christi vice. Hæc Chrysost. Illam ergo religionem perfectissimam ne dubita, quæ est vitæ & muneris Apostolico simillima.

SECUNDO. Illa Religio est perfectior aliis, quæ, cæteris paribus, habet media efficaciora ad consecutionem eius finis, propter quem est instituta.

TERTIO. Illa Religio est perfectior, quæ, cæteris paribus, non tantum efficaciora media habet, ad suum finem perfectissimum; sed etiam plura talia, & magis ordinata. Sicut ille exercitus, cæteris paribus, est melior, qui non tantum melioribus, sed etiam pluribus, & militibus, & armis, ac machinis instructus est, & meliore ordine bellico dirigitur.

QUARTO. Illa perfectior est Religio, quæ cæteris paribus, habet auxilia plura & meliora ad consequendum finem suum, & mediorum suorum vltum in suo Ordine præscripta.

QUINTO. Illa Religio perfectior est, quæ, cæteris paribus, pluribus & melioribus est fulta præsidij, ad summovenda omnia impedimenta, felici vsui mediorum, ad sui finis consecutionem, sese opponentia.

SEXTO. Illum Ordinem, Illustrissime Domine pu-

ne, puta perfectiorem qui ceteris paribus, maiorem fructum in Ecclesia Dei facit, verbis, scriptis, factis, exemplis &c. Nam veritas aeterna, hæc signa tradit bonæ arboris cognoscendæ. *ex fructibus eius*. Unde sequitur, illā esse meliorem, quæ plures & meliores, & per plures vias ac modos, & pro pluribus locis ac personis, fructus edit, & per ipsos fructus tales à se editos, alios fructus novos & novos in alijs multiplicat, cum perpetua dilatione Diuinæ gloriæ, & Christi meritorum extensione, & destructione regni Satana. Quæ omnia sunt certissima signa, summæ perfectionis, quæ sita est non in verbis & gestibus, sed in factis heroicis: quia ut ait S. Gregorius Papa hom. 30. in Euang. *Probatio dilectionis, exhibitio est operis*. Ideo S. Thomas 1. 2. q. 20. a. 5. docet, *Opus illud magis meritum, ac perfectius esse, ex quo sequuntur plures effectus boni præcogniti, vel præcogniti; vel saltem etsi non præcogniti, si tale opus sit, ex quo per se sequuntur boni effectus, & ut in pluribus*. Sicut enim plus donat ille, qui arborem fructiferam donat, quàm qui sola poma: ita & status; & persona, ceteris paribus, melior est, Deoque magis grata, quæ non tantum fructum fert bonum, sed facit res fructiferas quàm plurimas, ex quibus fructus innumeri perpetua successione, & multiplicatione nascuntur. Ideo Spiritus Sanctus maiorem in cœlis gloriam præparatam esse docet ijs, qui non tantum in se sunt excellentes, sed qui alijs prosunt, & alios alijs quoque utiles faciunt. Dan. 12. v. 3. *Qui docti fuerint, fulgebunt quasi splendor firmamenti, & qui*
ad

ad iustitiam erudiunt multos, quasi stellæ in perpetuas æternitates. Indicans, sicut stellarum lux est maior, luce cælestis corporis; ita gloriam fore maiorem eorum, qui alios faciunt eruditos, tanquam arbores fructiferas.

SEPTIMO. Illa Religio est melior, quæ ceteris paribus, habet & offert plures occasiones heroicæ virtutum, & laborum pro Dei gloria, siue in iuuandis animabus per varios modos, siue in tolerandis persecutionibus, & aduersitatibus ob studia pietatis. Ideo merito S. Ioannes Climacus scribit gradu quarto: *Noli citius accurrere, neque eleueris facile, cum enarrari audis solitariorum Patrum vitas, tu enim protomartyris militia incedis*. Hoc est, ut commentator S. Climacum explicans loquitur num. 18. *Vocatus es, ut in Societate Confratrum, non solitarius in eremo viuas, utque lapideris importunitate tentationum, & contumelijs verborum*. Hæc enim, quæ famam & honorem lædunt, grauiora sunt viris honestis, & ingenuis, ipsa mortis acerbitate, quàm multi mallent subire, quàm famæ & honoris pati iacturam. Quæ causa est, ut grauissimi quique Theologi & iuris periti expresse doceant, quibusdam in casibus, sine vlllo peccato posse occidere alterum, ob defensionem honoris proprii, & ad euadendam aliquam contumeliam grauem, seu honoris iacturam. Ideoque & S. Propheta Elias 3. reg. 19. v. 4. Optabat potius mortem, quàm molestias persecutionis, quàm patiebatur à Iesabel. Et S. Paulus ob labores vitæ Apostolicæ, animarum causa susceptos, dicebat Rom. 7. v. 24. *In salix*

Infelix homo, quis me liberabit de corpore mortuius. Et 2. Cor. 1. 8. *Non volumus ignorare vos fratres, de tribulatione nostra, qua facta est in Asia, quoniam supra modum grauati sumus supra virtutem, ita ut tederet nos etiam viuere.* Vnde mirum non est, quosdam multa passos pro Dei gloria, etiam si morte naturali extincti sunt, inter Martyres computatos. Sic Ecclesia S. Marcellum Papam pro Martyre colit 16. Ianuar. & S. Felicem 14. Ianuar. & S. Higinum Papam 11. Ianuar. & S. Teresa Virgo, vidit animam Patris Martini Guttierrez Societate IESU, cum aureola Martyrii coelos petentem, etsi a nemine occisum, quia multa a Gallis Hæreticis passus est. Et S. Lurgardis Virgo Ordinis Cisterciensis, ad æqualem gloriam cum S. Catharina Virgine & Martyre, electa fuit, etsi sine ferro, & sanguine obierit, teste Thoma Cantipratano apud Surium 16. Iunij. Eandemq; ob causam S. Damascenus in vita S. Barlaam. & Iosaphat. scriptum reliquit: *Religiosos animo ac voluntate Martyres effectos, eâ gloriâ, quam Martyres obtinent, minime carere.* Quod certè magis locum habet in ijs, qui iuxta signum bonorum, à S. Bernardo traditum, plura quàm alij bona faciunt, & plura quàm alij mala patiuntur, & minores fautores, & laudes, & applausus humanos reportant.

OCTAVO. Illas Religiones pluris facias, in quibus maius est Orationis studium, quàm Psalmodiæ, quia ut ait gr. 4. S. Ioannes Climacus, religiosa vitæ sectator & Magister clarissimus.

Qui

Qui in fratrum medio consistit, non tam ex Psalmorum modulatione, quàm ex Oratione lucrari poterit. Nam sæpe ex alterius vocibus, & modulationibus, ne virtutem intellectumq; Psalmi consequi possimus, impedimur. Proinde S. Thomas 2. 2. q. 91. a. 2. ad 3. ait, *Nobiliorem esse modum prouocandi homines ad deuotionem per doctrinam, & predicationem, quàm per cantum.* Et subdit. *Ideo Diaconi & Prælati, quibus competit per predicationem, & doctrinam, animos hominum prouocare in Deum, non debent cantibus insistere, ne per hoc à maioribus retrahantur.* Vnde S. Gregorius Papa libro 4. registri cap. 88. quod etiam positum est in Decret. dist. 92. Can. in San. Rom. Ecclesia, presenti Decreto constituto, ut in sede hac sacri altaris Ministri cantare non debeant. Et ibidem additur: *consuetudo est valde reprehensibilis, ut in Diaconatus Ordine constituti, modulationi vocis inserviant, quos ad predicationis officium, & eleemosynarum studium vacare congruebat.* &c. Hæc S. Thomas. Quod si propter eleemosynas corporales, sacra Psalmodia debet omitti, multò magis propter spirituales, uti sunt, peccantes corrigere, ignorantes docere, dubitantibus rectè consulere, consolari mæstos, Sacramenta administrare, libros pro defensione S. Ecclesiæ, & alios similes, pro dilatanda diuina gloria, conscribere &c. Ideo illæ Religiones, cæteris paribus, præferendæ sunt alijs, quæ habent ex suo instituto maiorem rationem predicationis, & orationis, quàm Psalmodiæ.

B

NONO.

No nō. Perfectionem Religionis non meritis, Illustrissime Domine, ex vitæ austeritate externa, sed potissimum ex dilectione Dei, quæ se prodit ampla & multiplici propagatione. Diuini cultus & gloriæ, & multarum animarum salute, & laboribus difficilibus earum causa, constanter & perseveranter propter Deum susceptis, & innicta virtute in occasionibus peccatorum declaratur. *Arctitudo obseruantiarum*, inquit S. Thomas 2. 2. q. 188. a. 6. ad 3. non est illud, quod præcipue in Religione commendatur. *vt B. Antonius dicit: & ideo non est potior Religio ex hoc, quod habet arctiores obseruantias, sed ex hoc, quod ex maiori discretione sunt eius obseruantie ordinatæ ad finem Religionis.* Et, 2. 2. q. 184. a. 3. & libro de perfectione vitæ spiritualis, cap. 2. idem S. Doctor ait, *Primum & principaliter consistit spiritualis vitæ perfectio, in dilectione Dei, secundario in proximi dilectione. Caue*, inquit S. Hieronymus epist. 41. ad Celantiam, cap. 6. *ne si ieiunare, aut abstinere ceperis, te putes esse iam Sanctam: hæc enim virtus adiumentum est, non perfectio sanctitatis.* Hinc S. Franciscus, teste S. Bonauentura, eius vitæ cap. 6. sæpe dicebat *Fratribus: de omni eo, quod peccator potest, nemo sibi del et iniquo applausu blandiri: peccator, ait, ieiunare potest, orare, plangere, carnemq; propriam macerare, hoc solum non potest, Domino, scilicet, suo esse fidelis.* Hinc lib. 8. in vitis Patrum apud Rosveydum cap. 63. oranti B. Paphnutio Abbati (qui in summa vitæ austeritate, & multo maiore, quam nunc in vilo Religioso Ordine ser-

uetur

uetur, vitam Eremiticam sectabatur separatus à consortio hominum, diuinitus reuelatum est, eum non excessisse perfectionem cuiusdam ciuitatis tibicinis, qui non ita pridem vacabat latrocinij, ebrietati, & scortationi. Cum autem accuratè examinaretur, quidnam vnquam ab eo rectè gestum esset, hoc solum inuenit: *quod cum aliquando latronis vitam ageret. Christi Virginem, cui erat à latronibus vitium afferendum, liberauerit, & alteri formosæ mulieri erranti in solitudine vim non intulerit, sed trecentis aureis donatam dimiserit, vt maritum cum liberis obdebita in carcerem coniectum liberaret.* Si ergo hominem tam antea malum, opera Charitatis pauca, æquarunt meritis tam sancti eremite, in summo rigore ieiuniorum, & paupertatis, alijs que carnis macerationibus vitam traducenti, quanto maiorem meritorum cumulum parient innumera opera Charitatis spiritualis, non vni sed multis animabus exhibita, non à malis, sed à dilectis Dei seruis, vitam religiosam diu colentibus, & in medio nationis prauæ & occasionibus peccatorum, quæ extirpare conantur, constitutis, integram tamen & illibatam vitæ probitatem retinentibus, etsi vitæ externa asperitate cæteris non antecellant. Merito itaque S. Anselmus explicans illud Apostoli 1. Tim. 4. *Exercitatio corporalis ad modicum utilis, pietas autem ad omnia:* per exercitationem corporalem intelligens cum S. Ambrosio, S. Bernardo, & S. Thoma, corporis afflictionem, & castigationem. *Corporalis, inquit, exercitatio, quæ est in ieiunijs, vigilijs, la-*

B 2

bore

bore manuum, ac multimoda corporis afflictione, parum utilitatis habet, respectu magna utilitatis, quam habet pietas religiosa mentis. Exercete ad pietatem, id est, ad compassionem proximorum, & ad opera misericordiae. Nam ut ait S. August. epist. 52. Pietas est verax veri Dei cultus, unde omnia recte viuendi ducuntur officia. Quem locum Apostoli explanans S. Thomas in comment. Exercitatio, inquit, ieiunij, & huiusmodi, in sua natura, non sunt bona, sed penalia. Et, si homo non peccasset, nihil horum fuisset, sed sunt bona medicinalia, in quantum reprimunt concupiscentias: ergo ad istud modicum sunt utilia: quia tantum ad morbum peccati carnalis, non spiritualis: quia aliquando propter abstinentiam, homo in iracundiam, inanem gloriam, & huiusmodi incurrit, praefert ergo abstinentia pietatem, & accipitur hic utroque modo, pro cultu Dei, & misericordia. Sic etiam Caietanus eundem locum exponit: Corporalis exercitatio in ieiunijs, abstinentijs, peregrinationibus, cilicijs, & huiusmodi, ad modicum utilis est; quia tantum valet ad domandum corpus proprium: pietas autem utilis est, id est, officia pietatis erga Ecclesiae membra, & cultus erga Patrem familias domus, quae est Ecclesia, sunt utilia ad omnia tam spiritualia, quam temporalia, ita Caietanus. Sed praclare admodum S. Bernardus eundem Apostoli locum, eodem sensu intelligens, Apologia ad Guilielmum Abbatem, eos religiosos perstringit, qui ieiunijs maioribus addicti & abstinentijs, vilique & attrita tunica induti, detrahebant alijs Religiosis,

ligiosis, quod vterentur melioribus vestibus, ac pellibus, & carnibus vescerentur, & tria vel quatuor pulmentaria, vno die admitterent, & hos etsi pro delicatulis habitos, ijs longè anteposit. Attendite, inquit, in Regulam Dei, cui utiq. non dissonat institutio S. Benedicti. Regnum Dei intra vos est, Luc. 17. hoc est, non exterius in vestimentis, aut alimentis corporis, sed in virtutibus interioris hominis. Vnde Apostolus (Rom. 14.) Regnum Dei non est esca & potus, sed iustitia & pax, & gaudium in Spiritu Sancto. De corporalibus itaq. observantijs fratribus calumniam struitis, & quae maiora sunt Regula, spiritualia instituta relinquitis. Magna abusio. Tunicati & elati abhorremus pelliceas. Tanquam non melior sit, pellibus inuoluta humilitas, quam tunicata superbia. Repleti deinde ventrem faba, mentem superbia, cibis damnamus saginatos: quasi non melius sit, exiguo sagimine ad usum vesci, quam ventoso legumine vsq. ad ructum exaurari: & praecipue cum & saui non de carne, sed de lente sit reprehensus, & de ligno Adam, non de carne damnatus, & Ionathas ex gustu mellis, non carnis, morti adiudicatus: è contra verò Helias innoxie carnem comederit 3. Reg. 17. §. 6. Abraham gratissime carnibus Angelos pauerit Gen. 18. & de ipsis sua fieri sacrificia Deus praeceperit. Et infra. Quando Spiritus corpore melior est, tantò spiritualis quam corporalis exercitatio fructuosior. Tu ergo, cum de horum observatione elatus, alijs eadem non observantibus derogas, non te magis transgressorem Regula vindicas? cuius licet minima quadam teneas, meliora

hora deuitas: de quibus Paulus: Emulamini, ait, charismata meliora. Detrahendo quippe fratribus, in quodemetipsum extollis, perdis humilitatem; in quod alios deprimis, charitatem; quae sunt charismata meliora. Tu si tuum corpus multis ac nimis laboribus atteris, ac regularibus asservitationibus mortificas membra tua, bene facis: sed quid sille, quem similiter non laborantem diiudicas, modicum quidem habeat de hac, quae ad modicum utilis, corporali videlicet exercitatione, amplius autem quam tu de illa, quae ad omnia valet, id est, pietate &c. Quod usque adeo verum est, ut idem S. Bernardus serm. 12. in Cant. Prælatos seculares Ecclesiae utiles, leuibus aliquibus defectibus obnoxios, anteponat Religiosis solitariis; etsi & vulgo habitis pro perfectioribus. Inhumanè, inquit, eorum redarguis opera, quorum onera resugis. Dico enim, si is qui de Claustro est, eum qui versatur in populo, interdum minus distictè, minusue circumpectè sese agereprehenderit, verbi gratià, in cibo, in somno, in risu, in ira, in iudicio, non ad iudicandū confestim resiliat, sed meminerit scriptum Eccles. 42. Melior est iniquitas viri, quam benefaciens mulier. Nam tu quidem intus custodia vigilans, benefacis, sed qui iuuat multos, melius facit & virilium. Quod si implere non sufficit, absq; aliqua iniquitate, id est, absq; quadam inaequalitate vitae, & conuersationis suae, memento, quia, charitas operit multitudinem peccatorum. Iacob. 5.

DECIMO. Sicut vitae austeritas, etsi bona &

utilis

utilis, non est id, ex quo perfectio Religiosae vitae agnoscenda est, ita neq; paupertas. Id expressè docet S. Thomas 2. 2. q. 188. a. 7. ubi quaerit. *Verum habere, aliquid in communi, diminuat perfectionem religionis: & respondet, perfectionem non consistere essentialiter in paupertate, sed in Christi sequela: secundum illud Hieronymi super Matth. ca. 19. Ecce nos reliquimus omnia, & secuti sumus te: Quia non sufficit tantū relinquere, iungit quod perfectum est, scil. Et secuti sumus te. Vnde in collationib. Patrum, Collat. 1. cap. 7. Abbas Moyses dicit: Nuditas, ac priuatio omnium facultatum, non perfectio, sed perfectionis instrumenta sunt. Et infra. Tantū erit unaquaq; Religio secundum paupertatem perfectior, quanto habet paupertatem magis proportionatam suofini. Et in respons. ad 3. paupertatem, ait, esse minimum inter instrumenta perfectionis. Præterea docet, idē paupertatem esse in Religionibus seruandam, ne per sollicitudinem circa retemporales, quæ diuitias comitari solet in secularibus, Religiosi retrahantur à piis suae Religionis operibus. Cum ergo in quibusdam Religionibus ad Ecclesiae utilitatem institutis, ipsa sollicitudo quaerendi necessaria pro templi ornatu & vsu, pro victu & vestitu, pro viaticis, pro suppellectili, & alijs domesticis necessitatibus, magis impediatur procuratio alienae salutis, diuinæque gloriæ propagationē, quam sollicitudo vnius Oeconomi, vel Patrisfamilias, aut superioris Religionis, circa conseruationē & defensionē rerū immobilium vel mobilium Religionis, idē præcipui Religionum*

gionum à Sancta Sede Apostolica confirmatarū, & commendatarum fundatores, Basilius, Augustinus, Benedictus, Bruno, Bernardus, Ignatius, &c. diuinitus illustrati, certos suis religionis permiserunt redditus, ut ita liberi à quærendis eleemosynis, melius & Deo, & sibi, & proximis vacare possent, liberiusq; errantes corrigere, quod facere non ita auderent, si ab eis quærenda essent subsidia temporalia; timerent enim benefactores offendere corrigendo eorum vitia, quia veritas odium parit. Quam etiam ob causam & S. Teresa fundatrix Discalceatorum, quemadmodum scribit Didacus Iepesius Archiep. Turiafonensis in eius vita, etsi quædam Monasteria sine vllis redditibus Deo reuelante fundauetit, postea tamen experientiâ subsequente edocta, distrahi animos procuratione eleemosynarum, quædam alia Monasteria eodem Deo Magistro erexit, dotata redditibus, ut sine sollicitudine conquerendarum eleemosynarum, & ea, quæ illam comitatur distractione, Moniales Deo rebusque Diuinis magis vacarent. Eandem ob causam, inter quatuor monita, sibi à Deo reuelata, pro conseruatione suorum Monasteriorum, scriptum reliquit in libro fundationum cap. 31. ut quamuis Discalceati haberent plura Monasteria, in quolibet tamen pauci habitarent: (pro multis enim eleemosyna cum magna distractione & sollicitudine corrogari solet) & ut parum cum secularibus tractarent: & illud modicum, pro bono animarum secularium: & ut magis docerent operibus quàm verbis, Ideò nonnullis

his Religionibus, bona immobilia & mobilia necessaria sunt, ut eorum honesto, & moderato vsu, vires corporis foueant, & sine sollicitudine conquirendi necessaria pro victu, & vestitu, aliisque rebus, toti sese impendant procurandæ alienæ salutis, Diuinæq; gloriæ amplificandæ. *Et hoc Dominus, inquit S. Thomas loco citato, paupertatis institutor docuit suo exemplo. Habebat enim oculos Iudæ commissos, in quibus recondabantur ei oblata, ut habetur Ioan. 12. Et discipuli eius post eius resurrectionem, à quibus omnis Religio sumpsit originem, pretia pradiorum conseruabant, & distribuiebant illa, prout cuiq; opus erat.* Quin etiam, si Apostoli vni loco, ut nunc Religiosorum Monasteria, fuissent adstricti, nec in ea suorum paucitate debuissent circuire tot mundi regiones; procul dubio etiam stabiles, & certos redditus acceptassent, uti postea, dilatata Ecclesiâ, & pastoribus animarum multiplicatis, ac ad certa loca addictis, acceptarunt Episcopi aliq; Ecclesiastici. Quod cum hæretico Spiritu improbaret Ioannes Vicleph hæreticus, iudicio Ecclesiastico damnatus est. Non obest ergo perfectioni Religiosæ, possessio bonorum temporalium, bene distributorum, sed vel malus & superfluous eorum vsus, vel nimius erga illa affectus, quorum vtrumq; præscindit in Ordinatis Religionibus, & votum paupertatis, & regularis disciplina.

VNDÉCIMO. Commendat & hoc perfectionem Religiosi Ordinis, si cæteris paribus, ex instituto suo occupet se pro Deo in rebus arduis &

difficilioribus quàm alii. Hanc ob causam S. Thomas 1. p. q. 95. a. 4. ad 2. ait, *opus difficile ex parte obiecti, esse magis meritorium. Vnusquisque enim mercedem percipiet secundum suum laborem*: 1. Cor. 3. Maior autem est labor, ubi est res difficilior, quæ pro Deo perficitur: quam etiam ob causam dilectio inimici est magis meritoria, cæteris paribus, quàm amici. ut idem S. Thomas ait 2. 2. q. 7. a. 7. sed quoque eleemosyna illa Christo iudice Luc. 21. maior erat, Deoque magis accepta, quam pauperula vidua, dans duo æra minuta, exhibuit, quâ dinitum copiosior: quia illi difficilius fuit, totum quod habuit, Deo offerre, quàm diuitibus superflua, ex abundanti erogare.

DVODECIMQ. Attende etiam ad hoc, Illustrissime Domine, ut eam Religionem tuo nepoti commendes præ cæteris, in qua cum regularum, obseruantia, vides maiorem concordiam, & domesticam vñionem, præsertim in magna dissimilitudine graduû, & nationum varietate simul cohabitantium. Hoc enim est certissimum signum familiæ Dei, Christo teste Io. 13. *In hac cognoscent omnes, quia discipuli mei estis, si dilectionem habueritis adinuicem.* Quæ tantopere est Deo grata, ut S. Macario Abbati, etsi vitam ducenti in eremo solitariam, in perpetuis ieiuniis, & carnis macerationibus, multò maioribus, quàm hoc nostro seculo vigeat in vlla Religione, etiam eremitica, & assidue rerum diuinarum contemplationi dedito, Deus prætulerit duas feminas coniugatas, rei vxorix vacantes, quæ tamen nil præ cæteris habebant

bant, quàm quòd per annos 15, in domo una pariter manentes, nec turpe verbum altera dixisset ad alteram, nec litem mouisset, sed in pace vixissent, & à secularibus verbis abstinere ad mortem decreuissent, cum desiderio vite Monastice, si id per maritos earum aliquando liceret. Ita lib. 3. in vitis Patrum, num. 97 apud Rosweydu. Et hæc ut opinor, sufficient illustriss. Domine, ad adferendam tibi certam lucem, pro vtroque desiderio tuo: vnum restat, ut te excitem ad aperiendam liberaliter manum, & cum bonis ac nepote tuo cor ipsum tuum, Deo, ac Creatori tuo quodammodo effundendum. Beatus es, qui possis momentaneis rebus, æternas, & quidem præstantissimas mereri, & quidem ita, ut ipsas quoque Purgatorii pænas, tuorum bonorû hilari, & liberali erogatione in sancta opera, ac domicilia Dei famulorum, possis euadere. *Quoniam eleemosyna ab omni peccato liberat, & non patietur animam ire ad tenebras*, Tob. 4. v. 11. Ideo multis onerato peccatis Nabuchodonosori Regi suadebat Propheta Daniel, Dan. 4. v. 24. *Peccata tua eleemosynis redime.* Cum autem unusquisque nostrum, ut ait S. Ambrosius in Apolog. 1. David. c. 2. *per singulas horas multa delinquat*, & pœna Purgatorii acerbior sit, ipsis dolorib. quos Christus in sua passione, & morte est passus, ut docet S. Thomas 3. p. q. 46. a. 6. ad 3. & omnibus tormentis, quæ passi sunt vnquam latrones, & S. Martyres, ut docet S. Augustinus cum B. Beda in Psal. 37. et libro de cura pro mortuis ca. 8. immo, cum grauior sit ille ignis, quam quicquid homo pati potest,

test in hac vita, ut ait S. Anselmus in 1. epist. ad Cor. cap. 3. Si sapias, extingue hunc ignem, iacturâ bonorum tuorum copiosâ. Si enim libenter te priuare bonis omnibus, ut hac ratione manus & tormenta tyranni, & dolores aliquos acutissimos oculorum, capitis, dentium, renum, colicos & calculorum, vno eodemq; tempore te enecantes, posses euadere, multo libentius hæc bonorum iactura subeunda est Dei causâ, ut pœnas Purgatorias effugias, morbis ac doloribus omnibus (uti etiam indicant multa historiarum certarum exempla) acerbiores. Tanto autem liberaliorem te esse oportet, in erogandis rebustuis, & in tuo nepote vitæ Religiosæ consecrando, quanto difficilius eæ pœnæ effugiuntur etiam à Sanctis: quia difficile admodum maculæ à peccatis relictæ in anima, plenè in hac vita per satisfactoria opera euoluuntur. Idèd legimus in Ecclesiasticis historijs, multos multis annis igne purgatorio excruciatos. Quod si tibi vna noctis horula in colicis, vel calculi, vel dentium doloribus, vel ardor febriculæ adèd molestus est; quanto perèrit molestus ille iustissimi Dei iudicij cruciatus? longus præsertim, & multorum annorû? Ne ergo eum subeas, extingue liberalitate tua hunc ignem. Nam ut dicitur Eccl. 3. v. 33. *Ignem ardentem extinguit aqua, & eleemosyna resistit peccatis.* Et, ipsa est, quæ purgat peccata, Tob. 12. v. 9. idèd meritò Christus Dominus monuit, Luc. 11. v. 41 *Data eleemosynam, & ecce omnia munda sunt vobis.* Hæc habui Illustriss. Domine, quæ, ut voluntati tuæ morem gererem, tibi

tibi aperienda candidè putauit. Vnum denique addo, id ut nepoti tuo inculces seriò, ne à sancto vitæ arctioris desiderio resiliat, tum alias ob causas, tum ne vitæ æternæ iacturam patiatur. Multos enim diuina Maiestas, eam ob causam à statu seculari ad religiosum vocat, quia præuidet, si in seculo viuerent, in peccato mortali aliquo morituros: quorum è numero cùm se non esse ignoret, si securo tramite vult ad Beatorum sedem post mortem transferri, religiosam vitam eligit, pro qua promissum est à Christo Matth. 19. v. 29. centuplū in hac vita, & post mortem vitæ æternæ. Tuum erit Illustrissime Domine hæc & alia perpendere, & quod velles à te factum, si iam iam tibi moriendum esset, & coram seuerò cælestis iudicis tribunali comparendum, hoc quamprimum exequere, & quidem eo modo, quo exequerentur tui similes, si iis liceret ad breue tempus, è cruciatibus purgatorii dimissis, leuamen pœnarum illarum, in hac vita prensare, & eorundem bonorum dispendio, sibi consulere. Vale, & me pristino fauore prosequere.

Tui Studiofissimus.

N. N.

